

Nunatsinni Allakkat

POST Greenland A/S-ip Niuernermi piumasaqaatai 1. maaji 2019-imeersut

Niuernermi piumasaqaatit uku Nunatsinni Allakkanik nassiussinernut atuupput. Niuernermi piumasaqaatinut tapiliussatut Allakkerineq pillugu Inatsisartut inatsisaanni nr. 3, 15. april 2011-meersumi malittarisassat kiisalu POST Greenlandip allakkanik inger-lassisarnermi pisussaaffii kisermaassisussaatitaaneralu il.il. pillugit Namminersorlutik Oqartussat nalunaarutaat nr. 9, 24. juni 2011-meersuq aammattaaq atuupput.

Nunatsinni Allakkat tassaapput allakkat POST Greenlandimut tunniunneqartut Kalaallit Nunaanni tiguisussamut nassiunneqartussat.

1. ALLAKKAT (A prioritaire-t)

1.1 Kiffartuussinermi pitsaassutsikkullu anguniakkat

Allakkat (A prioritaire-t) nalinginnaasumik ingerlanneqartarput timmisartukkut siullikkut, angallassisartullu avataaneersut atorineqartarput.

Pisut ilaanni allagaq (A prioritaire) umiarsuakkoortillugu pilertornerusumik ingerlanneqarsinnaasarpoq.

Inoqutigiinnut ataatsinut sapaatip akunneranut ikinnerpaamik marloriarluni allakkanik (A prioritaire-nik) aatsisoqartarpoq. Illoqarfinni ukunani taamaallaat aatsisoqartarpoq Aasiaat, Ilulissat, Maniitsoq, Nanortalik, Narsaq, Nuuk/Nuussuaq, Paamiut, Qaqortoq, Qasigianguit, Qeqertarsuaq, Sisimiut, Tasiilaq, Upernavik kiisalu Uummannaq.

Nunaqarfinni, isorliunerusuni, sumiiffinni kommunit aggugaanerisa avataanniittuni, savaateqarfinni, piniariartarfinni, aasisarfinni assigisaannilu allakkanik aatsisoqarneq ajorpoq.

Allakkat (A prioritaire-t) allakkerivimmuq eqqunneqarniaraangata, illoqarfinni allakkerivinni bokselinnut ingerlaannaq ulluinnarni nal. 08.00-ip 15.00-illu akornanni. Illoqarfigisap iluani allakkat akeqartinneqarput Økonomibreve-tut (B - umiarsuak-koortitatut). Allakkerivinni bokselinnut allakkat, allakkerivimmuq ulluinnarni nal. 15.00 sioqqullugu tunniunneqartut, boksemuq ulloq taanna ikineqartarput. Ulluinnaat tassaapput ataatsinngornermiit tallimangornermut.

Illoqarfinni nunaqarfinnilu allakkanik nalinginnaasunik agguaassiviuneq ajortuni allakkat nalinginnaasut POST Greenlandip suleqatigisaanut aaneqarsinnaapput. Allakkat ullut

14-it qaangiunneranni aaneqangitsut nassiussisumut utertinneqartarput.

1.2 Allakkat angissusissaat

Allakkat tamarmik angissutsit taaneqartut qaangersimassanngilaat: Minnerpaaffissaq: 14 x 9 cm. Allagaq ammalortutut amilimasutulluunniit isikkoqaruni: takissuseq 10 cm aamma takissuseq + 2 x diameter/portussuseq = 17 cm.

Annerpaaffissaq: takissuseq 60 cm aamma takissuseq + silissuseq + portussuseq = 90 cm. Allagaq ammalortutut amilimasutulluunniit isikkoqaruni: takissuseq 90 cm aamma takissuseq + 2 x diameter/portussuseq = 104 cm.

1.3 Oqimaassuseq

Allakkap poortuutini ilanngullugu oqimaannerpaaffissaraa 2 kg.

1.4 Imai

Allagaq makkuninnga imaqassanngilaq:

- Aningaasat, check-it angalanermi atugassat, allagartaatit, saffiugassat erlinnartut, soorlu platin, guulti aamma sølvi, ujaqqat erlinnartut kiisalu pigisat akisuut. Allakkat imaat tamakku taamaattoq killilikkamik nalilerlugit Allakkatut tammatsaalisatut ima- luunniit Allakkatut nalilittut nassiunneqarsinnaapput. Allagartaatit paasineqassapput akiitsut allagartaat, aktiat, check-it cross-igaanngitsut, akiitsukkanut uppersaatait, nalilinnut uppersaatait aammalu allagartaatit allat aningaasanik nalilinnut upper- narsaataasut aammalu allagartaammik tigungminnipp kinaaneranik uppersaata- suusunik allagartaammik tunniussinissamut, allagartaat naapertorlugu aningaasanik akilerneqarnissamut, pigisat nuunneqarsinnaasut tigungsaannik piunasaqarnermut imaluunniit allagartaat naapertorlugu kiffartuussinermik sullinneqarnissamik piunasaqarnermut.
- Imarisat ulorianaatillit. Imarisat ulorianaatillit tassaapput akuutissat atortussalluunniit, ilutsimikkut akumikkulluunniit inunnet, uumasunut, avatangiisinut (assersuutigalugu nioqqutissiornermi maskinanut aamma nassiussanut allanut) imaluunniit angallassissutigisanut ulorianaateqarsinnaasut.
- Nunap immallu uumasui uumasut, tassani pineqarlutik igutsaat, sullerngit sullineqati- minnik ajoqutaasunik akiuisussat (rovvider), uumasullu allat qimerloqanngitsut.
- Imassat, qaartartut assigisaallu ilanngullugit.
- Nioqqutissiat peqquserlulluni assilisat salloqittaasiillu.
- Inuit timaasa uumasullu toqungasut sinnikui.”
- Litium batterit imaluunniit cellit

- Lithium cellit imaluunniit lithium batterit, atortunut ikkunneqanngitsut ulorinartutut naatsorsuunneqartput taamaattumik allakkatigut nassiunneqarsinnaanngillat.
- Allakkat amerlanerpaamik lithium cellinik sisamanik atortunut ikkunneqarsimasunik imaluunniit lithium batterinik marlunnik atortunut ikkunneqarsimasunik.
- Lithium cellit imaluunniit lithium batterit atortunut ikkunnikut, sanaartortup sillimanissakkut amingartumik isumannaarneqarsimasutut oqaatigisai, amingartut, ajortissimasulluunniit, kissatsitseruloorsinnaasut imaluunniit ikuallatsitsisinnaasut imaluunniit qamittoortitsisinnaasut allakkatigut nassiunneqarsinnaanngillat.

Imaasa killissat makku qaangersimassanngilaat:

- Lithiummetal imaluunniit lithiumlegering celliniittut 1 g pr. qaangersimassanngilaat.
- Cellit lithiumionillit annerpaamik annertussuseqassapput 20 Wh cellimut ataatsimut.
- Batterini lithiummetalip imal. lithiumlegeringip batterimi ataatsimimi 2 g lithium qaangersimassanngilaq.
- Batterit lithiumionillit annerpaamik 100 Wh baterimi ataatsimi.

1.5 Poortorneri

Nassiussisup allakkap poortorneqarluarnissaa imaluunniit poortorneqarnani isuman- naatsumik nassiunneqarsinnaanissaa akisussaaffigaa, taamaalilluni nalinginnaasumik allakkerinikkut suliarineqarnerani imaasa isumannaatsumik illersorneqarnerat qulak- keerneqarsinnaaqqullugu, kiisalu allakkap nassiussanik allanik, POST Greenlandimik allanilluunniit ajoqusiisinaanera pinngitsoortissinnaaqqullugu.

Imarisat qajannartut imaluunniit imerpalasut poortuutissat POST Greenlandip akuerisai poortuutigalugit taamaallaat nassiunneqarsinnaapput. Allakkat imerpalasunik imallit milluaasinnaasunik ilormioqassapput nassiussap imaanik tamakkiisumik milluaasinnaasumik.

1.6 Allakkerivimmu tunniussineq

Nassiussisup allagaq nassiussassanngorlugu ukununnga tunniussinavaa:

1. Allakkerivimmu

2. POST Greenlandimit nivinngaatiterneqarsimasunut allakkanik nakkartitsivinnut.

1.7 Piumasaqarsinnaatitaaffik

Allakkami tiguisussatut qaatiguuliussamut tunniunneqarnissaata imaluunniit nalunaru-tigineqarnissaata tungaanut, nassiussisup allagaq utertikkumallugu allamulluunniit tunniussassanngorlugu piumasaqaatigisinnaavaa. POST Greenland allakkap utertinneqartup nassiunneqarnermini akianik utertitsineq ajorpoq. Nassiussisup piumasaqarsinnaatitaaf- fik atorsimappagu, POST Greenland suliassap allanngorteqquneqarneranut suliakker- suummut akiliuteqartitsisinnaatitaavoq. Akiliuteqartitsineq siusinnerpaamik akileqqune- qassaaq, nassiussaq allakkerivimmit nassiussivigisamut ingerlatinneqareersimappat.

1.8 Tiguisussamut tunniussineq

Kiffartuussinermi anguniakkani imm. 1.1 naapertorlugu, POST Greenland Kalaallit Nunaanni allakkanik najukkamut allakkami allassimasumut agguaassisarpoq. Pisuni immikkut ittuni, tassa tiguisussami pissutsit agguaassineq ajornartippassuk imaluun- niit agguaassineq ajoquserfiusinnaappat, POST Greenland pisinnaatitaavoq allakkanik agguaassinnginnissamik, assersuutigalugu najukkami qimmeqarsimappat pitoqqanngitsumik kiisisinnaasumillu, aputaajaasoqarsimanngippat/ujaraaralersuisoqarsimanngippat, imaluunniit allakkanik nakkartitsiveqanngippat.

POST Greenland – assersuutigalugu tiguisussanut hotelini najugaqartunut, napparsi- mavinnut, napparsimasunik paaqqinniffinnut, kollegianut assigisaannulluunniit immik- kut isumaqatigiissuteqarsimanngikkaangata. Najukkami pineqartumi allakkanut ikioraavimmi, allakkanik matukkut nakkartitsivimmi imaluunniit allakkanut issoraavimmi tiguisussap aqqa allassimanngippat, POST Greenlandip allakkat utertissavai. Tamatuma kingorna tiguisussap imaluunniit tiguisinnaasutut piginnaatinneqartup allagaq allakkerivimmut aasinnaavaa inuttut uppersaammik takutitsinikkut aammalu ullup aaneqarfissaatut eqqaasitsissummi allassimasup qaangiutinnginnerani. Aaneqarnissaanut killissaritinneqartartut nalinginnaasumik tassaasarput ullut 14-it.

POST Greenlandip allagaq tiguisussamut tunniussinnaanngippagu aammalu killissarititaasoq qaangiutereersimappat, allagaq nassiussisumut utertinneqassaaq.

1.9 Najukkamit nuunneq

Tiguisussap allamut nuunneq POST Greenlandimut nalunaautigisimappagu, piffissami nalinginnaasumik qaammatinik arfinilinnik sivisussuseqartumi allakkat akeqanngitsumik najukkamut nutaamut ingerlateqqinneqartarput.

Nassiussisup allagaq nalunaaqutsersimappagu „tiguisussaq nuuissorsimappat utertinneqassaaq“, nassiussap utertinnerani POST Greenlandip najugaq nutaaq nassitsisumut nalunaarutigissavaa.

POST Greenlandip aammattaaq najugaq nutaaq pillugu nassiussisoq paasisutississin- naavaa, tamanna pillugu immikkut isumaqatigiissuteqartoqarsimappat, soorlu nuunner- mut allagartaq pillugu.

Najugaq pillugu paasisutissat nassiussisumut tunniunneqanngisaannarput, tiguisussap ersarilluinnaqqissaartumik POST Greenland qinnuigisimappagu najugaq isertuunneqassa- soq.

1.10 Allakkat apuunneqarsinnaangitsut

Allakkat apuunneqarsinnaangitsut nassiussisuminnut utertinneqartarput. Assersuutigalugu makku pissutaallutik nassiussat apuunneqarsinnaasanngillat: Tigusiumasoqanngilaq, tiguisusssaq najukkami ilisarismaneqanngilaq, qaatiguuliornera amigarpoq assigisaallu.

1.11 Allakkerinermi isertuussisussaaneq allakkanillu ammaaneq

Nassiussisup allakkerivimmik atuineri sumulluunniit tunngasut POST Greenlandip isertuussassarai. Pisuni immikkorluinnaq ittuni Kalaallit Nunaanni Ilangaaserinermut oqartussaa- sunut kiisalu Kalaallit Nunaanni Politeeqarnermut oqartussaasunut tunngassuteqartuni, POST Greenland taamaattoq paasisutissanik taakkununga tunniussisussanngortinneqar- sinnaavoq.

Nassiussat apuunneqarsinnaangitsut pillugit pisuni immikkut illuinnartuni POST Greenland pillugu Namminersorlutik Oqartussat nalunaarutaanni nr. 9, 24. juni 2011-meer- sumi allassimasunut ilaasuni, POST Greenland allakkanik ammaasin-naatitaavoq

Allakkat tiguisussamut tunniunneqarsinnaangitsut uterfissaqanngitsullu nassiunneraniit qaammatit pingasut qaangiuppata aserorterneqassapput.

Tammatsaalisatut nalilittullu nassiussat tiguisussamut tunniunneqarsinnaangippata uterfissaqanngippatalu nassiunneraniit qaammatit 12 qaangiuppata aserorterneqassapput.

1.12 Allakkap akilernerá

Allagaq frimærkinik, franko-mik naqitsimmik, PP-mik naqitsimmik imaluunniit tiguisus- sap akiligassaanik (immikkut ittumik tiguisusssaq tamatuminna POST Greenlandimut isumaqatiissuteqartarpoq) akilerneqassaaq.

„PP-mik naqitsit” allakkerivimmi pineqarsinnaavoq. Malittarisassat POST Greenlandip aalajangersagai malillugit PP-mik naqitaq nassiussamut nipitinneqassaaq.

Naqitsit PP atorneqarsinnaavoq makku piumasaqaatit malinneqarpata:

- Nassiussassat allakkerivimmut tunniunneqarsimassapput

- Nassiussassat ikinnerpaamik 50-it assigiit tunniunneqarsimassapput (aki, angissuseq oqimaassuserlu assigiussallutik).
- Misiliutaasusaaq ataaseq POST Greenlandimut tunniunneqarsimassaaq
- Nassiussassat tunniunneqartut nassiussisumit ataatsimit pisuussapput
- Nassiussassami nassiussisup aqqa najugaalu ersissapput.

POST Greenland suliffeqarfiit inuussutissarsiummik ingerlatallit frankeringsmaskinamik atueqqullugit piumaffigisinnaavai. Maskinamik taamaattumik pisaartoqassappat aningaa- sartuutit taamaalilluni POST Greenlandip akilissavai.

1.13 Akit

Akit qaqugukkulluunniit atuuttut allattorsimaffiat www.telepost.gl -imi aammalu allakkerivinni . Akinik allangortoqartillugu nunatsinni tusagassiuutit aqutigalugit taman- na pillugu ilisimatitsisoqassaaq.

Allakkat frimærkilerneqanngitsut imaluunniit amigartumik frimærkilerneqarsimasut nassiussisup angallasseqqusineratut ingerlanneqassapput. POST Greenland kiffartuus- sinermut taamaattumut frimærkiliinermut amigartumut tassunga kiisalu allaffissorner- mut akiliummik nassiussisoq akiligassaanik nassissinnaavaa. Akitsuutip angissusaa akit allattorsimaffianni allakkerivinniittuni takuneqarsinnaavoq. Nassiussisup kinaanera POST Greenlandip ilisimangippagu, allaffissornermi akiliut frimærkilerneranilu amigaataasoq akilerlugit tiguisussamut nassiussaq tunniunneqarsinnaavoq.

1.14 Akiliineq

Nassiussineq aningaasanngorlugu akilerneqassaaq nassitsisoq akiligassarsinissamik allaganngorlugu POST Greenlandimik isumaqatigiissuteqarsimangippat.

1.15 Taarsiissuteqartarnej

POST Greenland allakkap kinguaattoorneranut, tammarnernanut imaluunniit ajoquserneqarsimaneranut taarsiissuteqarnej ajorpoq.

POST Greenlandip taarsiissuteqartussaananeranut Namminersorlutik Oqartussat nalunaa- rutaanni nr. 9, 24. juni 2011-meersumi malittarisassat aamma atuupput.

Niuernermi piumasaqaatini ukunani allakkat imaannut poortorneqarsimanissaannullu piumasaqaataasunik malinninnginnerup kingunerisaanik POST Greenlandip annaasaqaa- tigisaanut tunngatillugu, tassalu imm. 4.0-imi aamma 5.0-imi piumasaqaatinut kiisalu Allakkanut Tammatsaalisanut tunngatillugu imm. 3.1-imi piumasaqaatinut aammalu Allakkanut Nalilinnut imm. 4.1-imi, 4.2-mi, 4.3-mi aamma 4.4-mi piumasaqaatinut tun- ngatillugu, nassiussisoq pisussaavoq POST Greenland tamanik annaasaqatsaalissallugu. Tamakku saniatigut Kalaallit Nunaanni eqqartuussiveqarnerup malittarisassai nalinginnaa- sut malillugit nassiussisoq taarsiisussaataavoq.

1.16 Maalaarutit

Nassiussisup tiguisussalluunniit POST Greenland allakkamik ingerlassinera pillugu maalaarutiginiaruniuk, maalaarutini najukkami allakkerivimmut tunniussimassavaa nassiussap POST Greenlandimut tunniunneraniit qaammatit 12-it qaangiutsinnagit. Allakkeriviup aalajangernera POST Greenland, Qullersaqarfik, Postboks 9999, 3900 Nuummur ingerla- tinneqassaaq aalajangiiffigisassatut.

POST Greenlandip Qullersaqarfiata aalajangernera Naalakkersuisunut maalaarutigineqarsinnaavoq. Inatsisartut inatsisaanni nr. 3, 15. april 2011-meersumi § 22a naapertorlugu aalajangiinerup maalaarutigineqartup tigunerata kingorna, sap. ak. sisamat qaangiutsinnagit maalaarutiginnittoqarsinnaavoq.

2. ØKONOMIBREVE-t (B-t / umiarsuakkut nassiussat)

Økonomibreve-t (B-t) Allakkanut (A-nut) tunngatillugu niuernermi piumasaqaatinut ilaap- put, takuuk imm. 1, makkuninngali allaassuteqarlutik:

2.1 Kiffartuussinermi pitsaassutsimillu anguniakkat

Økonomibreve-nut (B-nut) anguniagaavoq, Økonomibreve-t (B-t) umiarsuarmut aallar- tussamut ilaatinneqarnissaat.

Økonomibreve-t (B-t) allakkanut boksilinnut ingerlasut, allakkerivimmut tikiunneqar- ner- mik kingorna kingusinnerpaamik ulluinnarmi siullermi ikiorarneqassapput.

2.2 Nalunaaqutsiineq

Økonomibrev-ip (B-p) kimukartuunerata allaffissartaani nalunaaqutserneqassaaq/-meqqilerneqassaaq „B”-mik. Allagaq Økonomibrev-itut nalunaaqutserneqarsiman-ngippat allakkatut timmisartukkoortut (A-tut) akeqartussanngorlugu pineqassaaq.

3. TAMMATSAAALIINEQ

Allakkat (A-t) aamma Økonomibreve-t (B-t) tammatsaalisanngorlugit nassiunneqartut, Allakkanut (A-nut) aamma Økonomibreve-nut (B-nut) niuernermi piumasaqaatinut ilaap-put, takuuk imm. 1 aamma 2, makkuninngali allaassuteqarlutik:

3.1 Imai

Allagaq Tammatsaalisaq aningaasanik aamma/imaluunniit allagartaatinik allakkami ataatsimi annerpaamik kr. 500-nik nalilinnik imaqarsinnaatitaavoq.

Allagartaatit nalingat naatsorsorneqartarpoq allagartaatip nalinga allassimasoq tunnga-vigalugu.. POST Greenlandip aningaasanngorlugu nalingata nassitsisumit uppernarsarneqarnissaa piumasarisinnaavaa.

3.2 Nalunaaqutsiineq

Allakkap Tammatsaalisaq kimukartuunerata allaffissartaani nalunaaqutserneqassaaq/meqqilerneqassaaq „R”-imik imaluunniit „Rekommanderet”-imik.

3.3 Allakkerivimmut tunniussineq

Allagaq Tammatsaalisaq allakkerivimmut tunniunneqassaaq. Tunniussinermi nassius-sisup immersorsinnaavaa tunniussinermut immersugassiaq uppernarsaatissaq, tassani nassiussisup allassinnaallugu nassiussisup tiguisussallu najugaa. Immersugassiap immer-sorneqarsimasup POST Greenlandip tiguisimananut uppernarsaasissavaa atsiornikkut.

3.4 Tiguisussamut tunniussineq

POST Greenlandip Allagaq Tammatsaalisaq atsiortitsinikkut tunniutissavaa. Allagaq Tammatsaalisaq Poortugaasivimmiit tunniunneqarsinnaavoq, tassani kodi namminerisaaq

tigusissamut nassiunneqartoq Poortugaasivimmilu atorineqartussa, poortukkap tigu- ranut uppersaatitut isigineqarpoq.

3.5 Taarsiissuteqarneq

POST Greenland Allakkap Tammatsaalisap kinguaattoorneranut taarsiissuteqarneq ajor- poq. Allagaq Tammatsaalisap tammarsimappat, annaasap nalinga apequtaatinnagu POST Greenland nassiussimut kr. 500-nik taarsiisarpoq. Allagaq Tammatsaalisap innar- lerneqarsimappat imarisaaluunniit tamakkiisumik ilaannakuusumilluunniit annaaneqarsi- mappat, tamanna kr. 500-it angullugit taarserneqartarpoq.

POST Greenlandili taarsiisussaaneq ajorpoq tammarnera innarlernaluunniit nassitsisup kukkunerippagu, nassiussap qanoq iluseqarnera, qajannartumik poortorneqarsimappat imaluunniit pissutsit POST Greenlandip ingalassinnaanngisai atuuppata kingunerilu POST Greenlandip pinngitsoortissinnaanagit.

Iluqutissanut annaasanut, ujariatsinermut, nalikillinerani annaasanut imaluunniit ajoqu- sernerup toqqaannangikkaluartumik kingunerisaanut allanut taarsiisoqarneq ajorpoq.

Taarsiisoqarnissaanik piunasaqarneq nassiussimut POST Greenlandimut nalunaaruti- gineqartussaavoq Allakkap Tammatsaalisap POST Greenlandimut tunniunneqarneranit qaammatit 12-it qaangiutsinnagit, taakkulu qaangerneqarsimappata taarseequsissut atorunnaartarpoq.

4. ALLAKKAT NALILLIT

Allakkat (A-t) Nalilittut nassiunneqartut Allakkanut (A-nut) niuernermi piunasaqaatini imm. 1 naapertorlugu ilaapput, taamaattorli makkuninnga allaassuteqarlutik:

4.1 Imai

Allagaq Nalilik aningaasanik aamma/imaluunniit allagartaatinik allakkami ataatsimi annerpaamik kr. 25.000-nik nalilinnik imaqsinnaatitaavoq.

Allagartaatit nalingat naatsorsorneqartarpoq allagartaatip nalinga allassimasoq tunnga- vialugu. Allagartaammi aningaasat nalinganik allassimasoqanngippat imaluunniit alla- gartaammi allassimasup aningaasat naligisarpiaat assignngippagu, aningaasat allagar- taammi allassimasut allanneqassapput. POST Greenlandip aningaasannorlugu nalingata nassiussimut uppersarneqarnissaa piunasarinnaavaa.

4.2 Nalunaaqutsiineq

Allagaq Nalilik allakkap saqqaani nalunaaqutserneqassaaq „Værdi”-mik, imaatalu nali- nga koruuninngorlugu allanneqassalluni. Naliliussatut allanneqartup Allakkap Nalillip imarisaata nalinga sinnersimassanngilaa, ajornanngilarli imaata nalingata ilaannaata allanneqarsinnaanera. Allakkanut Nalilinnut aningaasanik aamma/imaluunniit allagar- taatinik imalinnut tunngatillugu naliliussap nalinga allanneqarsimasoq imaanut tamati- gut naapertuutissaaq.

4.3 Allakkap akilenera

Allakkat Nalillit frimærkinik imaluunniit franko-mik akilerneqassapput.

Allakkap saqqaanut minnerpaamik centimeterip affaanik akuttussuseqarlutik allakkallu puuata sinaaniit minnerpaamik centimeterip affaanik ilorpasinnerullutik frimærkit nipi- tinneqassapput. Franko atorneqassappat allakkap puuanut toqqarlugu naqinneqassaaq.

4.4 Poortorneri

Allakkat Nalillit poortornerat ima qajannaatsigissaaq imatullu suliarineqarsimassalluni susassaqqanngitsunit ammarniarneqarsimanera takuneqanngitsoorsinnaassanani. Allakkat Nalillit naqissuserneqarsimassapput lak-iusumik nipitittakkamilluunniit. Allakkap Nalillip puuata sinai qalipaasigaassanngillat imaluunniit allagartaligaassanani nipitittakkamik il.il., taamaallaat frimærkinik allakkerinermilu allagartaliussanik nipititsiffigineqarsimassalluni. Allakkanik Nalilinnik nassiussinermi aningaasat aggorsimasut pineqartillugit, poortorne- qarsimanissaat malittarisassaqarpoq immikkut ittunik. Tamanna pillugu paasisutissat annertunerusut allakkerivimmi pineqarsinnaapput.

4.5 Allakkerivimmut tunniussineq

Allagaq Nalilik allakkerivimmut tunniunneqassaaq. Tunniussinermi nassiussisup immer- sorsinnaavaa tunniussinermut immersugassiaq uppenarsaatissaaq, tassani nassiussisup allassinnaallugu nassiussisup tiguisussallu najugaa. Immersugassiap immersorneqarsi- masup POST Greenlandip tiguisimananut uppenarsaasissavaa atsiornikkut.

4.6 Tiguisussamut tunniussineq

POST Greenlandip Allagaq Nalilik atsiortitsinikkut tunniutissavaa.

4.7 Taarsiissuteqarneq

POST Greenland Allakkap Nalillip kinguaattoorneranut taarsiissuteqarneq ajorpoq. Allagaq Nalilik innarlerneqarsimappat tammarsimappalluunniit POST Greenland taarsiisussaavoq, taamaattorli annerpaamik angissuseqassalluni Allakkap Nalillip nalingata allassimasup nalinganik.

POST Greenlandili taarsiisussaaneq ajorpoq tammarnera innarlerneraluunniit nassitsisup kukkunerippagu, nassiussap qanoq iluseqarnera, qajannartumik poortorneqarsimappat imaluunniit pissutsit POST Greenlandip ingalassinnaanngisai atuuppata kingunerilu POST Greenlandip pinngitsoortissinnaanagit.

Iluaqutissanut annaasanut, ujariatsinermut, nalikillinerani annaasanut imaluunniit ajoqu- sernerup toqqaannangikkaluartumik kingunerisaanut allanut taarsiisoqarneq ajorpoq.

Taarsiisoqarnissaanik piunasaqarneq nassiussisumit POST Greenlandimut nalunaarutigineqartussaavoq Allakkap Nalillip POST Greenlandimut tunniunneqarneranit qaammatit 12-it qaangiutsinnagit, taakkulu qaangerneqarsimappata taarseeqqusissut atorunnaartarpoq.

5. NASSIUSSAT AKILEQQAARLUGIT TIGUSASSAT

Allakkat (A-t) aamma Økonomibreve-t (B-t), Akileqqaarlugit tiguneqartussanngorlugit nas-siunneqartut Allakkanut (A-nut) aamma Økonomibreve-nut (B-nut) niuernermi piunasa- qaatinut ilaapput, takuuk imm. 1 aamma 2, taamaattorli makkuninnga allaassuteqarlutik: Aningaasat POST Greenlandip tiguisussamit akileqqusassai kr. 10.000-init amerlaneru- simappata, nassiussaq Allakkatut Tammatsaalisatut imaluunniit Allakkatut Nalilittut nas- siunneqassaaq.

5.1 Nalunaaqutsiineq

Allakkamik Akileqqaarlugu tiguisassanngorlugu nassiussinermi nassiussisup immersugas- siaq immersussavaa allallugu nassiussisooq tiguisussarlu, kiisalu tiguisussamit akilerne- qartussat aningaasat angissusaat.

5.2 Allakkerivimmut tunniussineq

Allagaq Akileqqaarlugu tiguneqartussaq allakkerivimmut tunniunneqassaaq.

5.3 Piunasaqarsinnaatitaaffik

Allakkami tiguisussatut allassimasumut nassiussap tunniunneqarnissaata imaluunniit nalunaarutigineqarnissaata tungaanut nassitsisuusoq piunasaqarsinnaatitaaffeqarpoq, nassiussaq allamut tiguisussamut allannngortissinnaallugu imaluunniit akilertinniakkap aningaasartaa allannngorsinnaallugu akilersinnaguluunniit tunniunneqartussanngorsinnaal- lugu.

POST Greenland allakkap utertinneqartup nassiunneqarnermini akianik utertitsineq ajor- poq. Nassiussisup piumasaqarsinnaatitaaffini atorsimappagu, suliassap allanngortinneqar- nissaa pillugu POST Greenland nassiussisoq akitsuummik akiliuteqartissinnaavaa.

5.4 Tigusisussamut tunniussineq

POST Greenlandip allagaq Akileqqaarlugu tiguneqartussaq tunniutissavaa akiligassar- taata kiisalu akiliutigisap tigusisussaanut nuunneqarneranut akitsuutip akilerneqarnerati- gut.

5.5 Taarsiissuteqarneq

POST Greenlandip allakkamik Akileqqaarlugu tiguneqartussamik tigusisussamut tunnius- sippat immersugassiami nassitsisup allassimasai aningaasat akilersinngitsoorlugit, nassit- sisup piumasarisinnaavaa aningaasat pineqartut POST Greenlandimit akilerneqarnissaat.

6. TAPPIITSUNUT NASSIUSSAT

Allakkat tappiitsut attaveqatigiinnissamut atugassaannaaviinik imallit, Tappiitsunut nas- siussatut ingerlatinneqarsinnaapput. Tappiitsunut nassiussat nassiussinerit toqqarneqartut naapertorlugit niuernermi piumasaqaatini ilaatinneqarput, taamaattorli makkuninnga allaassuteqarlutik:

6.1 Oqimaassuseq

Tappiitsumut nassiussaq annerpaamik 7 kilonik oqimaassuseqassaaq.

6.2 Akia

Tappiitsunut nassiussat, allakkanut qaatiguuliorneqarsimasunut piumasaqaatit iluanni angissusissanik naammassinnissimappata, akeqanngitsumik nassiunneqartarput.

Akeqanngitsumik nassiussineq peqatigiiffiit aalajangersimasumik taaneqartut, suliniaqa- tigiiffiit assigisaasalu ilaannut taamaallaat atuuppoq kiisalu atuulluni kasettebånd-inut

a) tappiitsumiit tappiitsumut nassiunneqarpata, imaluunniit b) tappiitsumiit isigisumut inuttut attaveqatigiinnertut atorineqartunut. Akeqanngitsumik nassiussineq aammattaaq atuuppoq allatat qattusuunngorlugit imaluunniit toornerit atorlugit allatanut, kiisalu allak- kanut naqitassianullu tappiitsunut atugassianut. Malitassat pillugit allakkerivik paasissutis- siinerusinnaavoq.

6.3 Nalunaaqutsiineq

Tappiitsunut nassiussat ilisarnaaserneqartussaapput nipititassamik immikkut ittumik allak-
kerivimmi pineqarsinnaasumik.